

istis ἐξ τοῦ γῆς γίγνεται, studio in versione prætermiserim, cum nec Bessarion, nec Sonerus eam in translationibus suis agnoscant, & certissimum sit, nullum eam hic fundere sensum, atq; librarii adeo deberi errori, quem prima syllaba vocis γίγνεται peperisse videtur. Ex his vero uti puto satis patet, quam non immerito ignem appellaverit principium suum Heraclitus, cum igneæ naturæ adeo vicinum illud esse animadverteret. Similiter res fæse habet cum aere, namque illum quoque & subtilissimis & maxime mobilibus particulis constare plerorumque sententia fert. Unde & in supra allato loco Aristoteles ἀσωματώτατον καὶ πέρι αἰεὶ aerem dicit, alibi etiam de igne simili fere modo locutus, ubi τὸ πῦρ αἰεὶ πέρι esse affirmat. Ast forsitan me corpusculari Philosophiæ, quæ De Juv. & Se-  
hodie apud omnes celebratur, favere, corpusculaque adeo parti- nect. c. 3.  
culas atque ramenta offendere aliquis opinabitur, ubi nihil eorum occurrit, simili quodam cum ictericis morbo laborantem. Sed aliter puto de me sentiet, ubi optima autoritate sententiam meam De Placitis confirmare me posse acceperit. Est autem ea Plutarchi, qui post Philos. I, 13.  
quam narrasset, Empedoclem ante quatuor elementa ponere quædam minutissima fragmenta tanquam elementa elementis priora, mox subjicit: 'Ἡράκλειτος Φηγμάτια τινα ἐλάχισα καὶ ἀμερῆ εἰσάγει. Quod etiam, ne tanquam ἄπαξ λεγόμενον hoc aliquis vilipendat, testatur Stobæus, diligentissimus veterum opinionum indagator, inquiens: 'Ἡράκλειτος τερψὶς ἐνὸς δοκεῖ τισι Φηγμάτια καταλείπειν. Ubi sive universum mundum per τὸ ἐν intelligas, quem ἔνα & ἐν eum dixisse, ex Laertio, Theodorito & aliis constat: ita ut sensus sit, *Heraclitum ante hunc mundum nimenta*, Laert. L. IX.  
*quædam exitisse statuere, quæ eadem sint cum principio ejus, quod ignem etiam aeremve soleat appellare:* Sive unicum ejus principium, nimirum ignem, per τὸ ἐν designari statuas, ut adeo sensus sit, Stob. Ecl. Phys. IV. p. 34.  
*Heraclitum ante unicum illud principium ramenta adhuc quædam,* L. I. c. 25. p. 52  
*constituisse illo priora,* mihi quidem erit perinde. Nisi quod si hoc sensu Stobæi locum exponas, paulo aliter videatur sententia Heracliti ex Stobæi mente esse explicanda. Tum enim proprie loquendo primum rerum naturalium principium Φηγμάτια erunt, quæ in ὑλην aliquam crassioris paulo naturæ dēinceps coalescentia IGNEM

L. I. de anima

c. 2.

De Juv. & Se-  
nect. c. 3.

De Placitis  
Philos. I, 13.

Eclog. Phys. c.  
XVII. p. 32.

Laert. L. IX.

Segm. 4. Theo-  
dorit. The-

drax. IV. p. 34.

Stob. Ecl. Phys.

L. I. c. 25. p. 52